

39.

DISPUTATIO PHILOSOPHICA, POSITIONES NONNUL- LAS THEORETICAS,

Ut & PRACTICAS, duabus sectionibus
inclusas, cum succinctâ earundem ex-
plicatione, complectens;

Quam.

Adjuvante divinâ gratiâ,

Cum consensu Amplissimæ Facultatis Philosophicæ, in
Regiâ Academiâ Aboënsi,

S U B P R Ä S I D I O

Plurimum Reverendi & Praclarissimi V I R I ,

M . P E T R I A N D R E Æ B E R G I I ,
Ebraæ & Græcæ Ling: Professoris ordinarii,
Mecœnatis, præceptoris ac Promotoris
sui æternum suspiciendi;

Pro obtainendis Magisterii Philosophici honoribus ac privi-
legiis, placide Eruditorum censuræ, modestè subjicit,

G E O R G I U S P . S C H I F F E R / A r b o g i à - W e s m .
Alumnus Reg.

Ad diem 21 Maij Anni fluentis MDC LXVII, horis consuetis
in auditorio superiori & maximo.

A B O Æ ,

Excusâ à P E T R O H A N S O N I O Acad. Typ.

Oppon. Gerelig.

DISPUTATIONES PHILOSOPHICAE DE POSITIONE NOVANCI ET THEORETICAS

REFERENCES

PRÆFATIO.

Nuentum non esse humanum Philosophiam, sed immortalis ac aeterni Dei donum excellentissimum, non solum nobis ostendit S. Scriptura, sed & Saniores Ethnici idem testatum faciunt; utpote divinus ille Plato, qui in Timæo afferit: Nullum à Deo munus præstabilius Philosophiâ mortalibus collatum esse. Et vetustissimi Poëta finxerunt Minervam sapientiæ Deam è cerebro jorū prognatam. Non dissentit ab hisce Cicero, cum dicit: Nullus est vir magnus sine australi divino. Quare & Deus T. O. M. homini, ut ipsum quodammodo imitari studeret, longeque supra brutorum sortem emineret, Animam rationem inspiravit, suis præditam facultatibus, Intellectu scil. & Voluntate, que quia per la-
fus per p̄ficiū
stabilitati pri-
mavam, amissa, ut
psum protoplasmorum amiserunt perfectionem illam primavam, ipsa repre-
nunc iterum per hoc donum, Philosophiam, perficiuntur, ut ^{imago di-}
ex intellectu ignorantia, ex voluntate maliitia expellantur. v. p. E. /
Magni proinde illa estimanda, informat enim intellectum cognitione veri, & voluntatem actione boni. Peripheria ejus est ampla, viridarium spatiosum, quia omnia Entia considerat. Qui itaq; Naturam scrutari & occulta indagare vult, quiq; piè vivere, benè ac honestè agere desiderat, in sacrarium ejus se conferat. Itaq; cum mihi ad honores philosophicos modestè contendenti, ab amplissimâ facultate Philosophicâ injunctum sit, ut juxta tenorem constitutionum Academicarum, exantato triplice examine privato, aliquid loco speciminis publici ederem, huic mandato morem gerens, viridarium illud Philosophie amanissimum ingressus sum, ubi flores quās plurimi sese affatim mihi obtulerunt; verum hāc vice pro tenuitate ingenii paucos saltē selegi, quos Eruditorum candidæ censura, decenti modestia subiçere constitui. Prosperos successus conatibus hisce meis largire o Deus optimus, precor. Sit itaq;

Ἐν ὀνόματι τοῦ Θεοῦ τριπάτιον!

SECTIONIS PRIORIS, POSITIONES THEORETICAS PROPOVENTIS.

POSITIO I. METAPHYSICA.

Omne Ens est Bonum.

Explicatio.

UT in Explicatione hujus positionis facilius progredi queam, videtur operæ pretium, 1. Distinctionem Nominalem vocis *Boni*, cum æquivoca sit, præmittere, ut melius intelligatur, quale hic intenditur. Est autem *Bonum* aliud *Ethicum* seu *Morale*, aliud *Physicum* seu *Naturale*, aliud *Metaphysicum* seu *Transcendentale*. 2. Hic autem remotis aliis acceptionibus *Bonum Transcendentale* intelligitur, quod dicit convenientiam cum voluntate divinâ, competitq; omni Enti quâ Ens est; *Bonitas* enim *Transcendentalis* non realiter distinguitur ab ipsâ Entitate, quæ bona dicitur, alias namq; ficeret in *Subjecto* (*Ente*) realem compositionem; At hoc est absurdum, cum sic & *Deus ipse*, qui *bonus*, esset compositus. Et ut *Ens* aliud est *increatum* aliud *creatum*, aliud *independens* aliud *dependens*, ita & *Bonitas* alia *Summa*, *Independens* & per *Essentiam*, quæ *Increato* & *independentem* convenit; *Quantum*, enim *quid habet de Entitate*, tantum habet de *bonitate*, ut sonat axioma; Suæ ipsius quippè voluntati, quæ *Norma Bonitatis*, displicens esse non potest. Alia *Creatas*, *Dependens* & per *participationem*, quæ *creato* & *dependentem* tribuitur, quia est terminus creationis; at hic semper bonus, nam non potest Deus moveri ad creandum aliquid nisi bonum, cum ipse sit bonus. Sed negari non potest multa inveniri mala, ut *vitia Moralia* &c. quæ quatenus dantur, videntur quoq; posse dici entia;

Entia; Non incommodè ergò queritur, quomodo assertio in Theoremate posita sibi constare possit; cum quicquid malum sit, non habeat convenientiam cum voluntate divinâ, sed potius disconvenientiam & difformitatem? Hinc procul dubio fuit, quod Manes & Manichæi, quia etiam malo quâ malum, veram & realem essentiam tribuebant, duo principia introduxerunt, unum Boni, alterum Mali. Verumq; quod Bono transcendentali non opponitur malum, cum à Bono nil nisi bonum. Bonum non est causa mali. Nec datur ulla Essentia quæ privata est conformitate cum voluntate divinâ. Vitia Moralia Bonitatem Transcendentalem non habent: Nam si hoc, haberent illam vel creatam vel increatam: Non increatam, quia hæc solius Dei, non creatam, quia Deus non est autor iniquitatis. Manes & Manicheorum heres is est pessima, quia Diabolum etiam creatorem facit & duo coaterna introducit. Unde Bona Vent: 2. d. 1. arti 1. citante Horneio in Ethicis. Credere se dicit eum errorem non humanam malitiam esse, sed diabolicam. astutiam adinvenisse, ut se alterum Deum esse peccatorum mentibus persuaderet. Et iterum art: 2. quæst.
1. ait: Non posse se sibi persuadere hanc heresin repartam ab homine qui aliquo tantum modo Philosophiam didicisset. Bono vero Morali & Naturali Malum opponitur, sed tūm Malum accipitur vel abstractè & formaliter, quomodo nuda est privatio & non ens, vel concrete & materialiter, quomodo significat ipsum Ens. quod malum denominatur. Et in hæc acceptance duο includit, nempè Materiale, quod est ipsa entitas: & formale, quod ἀταξία seu Privatio & Negatio est boni. Hinc patet, ut ait Scheibl: Metaph: lib. 1. c. 10. n. 61. Malum esse ex Entitate & privatione aggregatum quid; Et quicquid in actu virtus est entitas, id omnino bonum esse; Malitiam autem non in Entitate, sed ejus privatione sive dictâ ἀταξία consistere.

considerandi oītq; p̄tis part. coniunctio, & cetera
umaticā POSITIO II. PNEUMATICA.

Spiritus praeclarus consideratus, prout abstrahitur
a Finito & infinito, est Pneumatices objectum,
in quantum Naturæ Lumine cognoscibilis.
*Dicitur considerandi, &c. v. objectū disciplinare, est
is sit, at hoc tale ē l. Expositio.*

Tria hic observanda videntur. i. missis alijs significationibus vocis *Spiritus*, tam *Theologicis* quam *Philosophicis*, *Spiritus* hic propriè & adæquatè pro *Substantia immateriali* accipitur, & contradistinguitur *corpori*, inq; hoc sensu nullæ *formæ Physica* dicuntur immateriales seu spirituales præter *animam Rationalem*. ii. *Spiritus* prout præscindit à *Finito & Infinito*, & quatenus in *statu objectivo ideale* consideratur, constituit *objectum* peculiaris disciplinæ sc. *Pneumaticæ*. Dari autem Theoriam aliquam Spirituum probari potest exinde: *Quia sicut non Entis nulla est scientia, nulla affectiones*, ita ex opposito, *quicquid Entitatem habet, aptum est ut in aliquā disciplinā tractetur*. Num verò tractatio eorum distinctam ab aliis efficiat disciplinam, inter eruditos disputatur. Quidam Magni nominis viri, considerationem eorum volunt pertinere ad *Metaphysicam*. Alii ad *Physicam*. Alii ad *Theologiam*. Verum ad *Metaphysicam* eam referri non posse (*sine prejudicio tamen magnorum virorum dictum*) evincunt hæ rationes. (a) *Quia Metaphysica est universalis disciplina*, quæ considerat Ens in abstractione summâ, nec descendit ad specalia objecta ac quidditates particulariter determinatas. Sed ut *corpus* quod est particulare Ens, exigit peculiarrem disciplinam scil. *Physicam*, & in *Metaphysicā* non consideratur; ita nec *Spiritus* in illâ considerari debet, egredieretur enim sic limites suos. Naturam *Metaphysicæ* egregie

egregiè d'epingit Calovius his verbis: considerat Ens in abstrato & universalit, & excludit Entia in particulari. Innuit communem rationem omnium, excludit considerationem speciem singulorum. Est enim abstracta ab omnibus, non verò concreta ex omnibus. Considerat omnia in universali, non universaliter omnia. Est sapientia entis, non entium. (3) Metaphysica & spirituum doctrina Pneumatica habent diversa principia & affectiones. Principia Metaph. sunt omnium prima, generalissima & notissima, tām respectu sui quam nostri. Qualia sunt: Impossibile est idem simul esse & non esse. Totum est majus suā parte. Pneumatica verò principia sunt speciales & orta, nec ita nota, tale est: Quæ perfectiones inventiuntur in creaturis, ea etiam suo modo inveniuntur in Deo. Affectiones illius sunt generalissima competentes omni enti, vel in sensu unito, vel disjuncto. Hujus verò speciales, è sola spirituali naturā fluentes, ut simplicitas &c. (x) diversos habent abstractioni modos. Consule Metaph:cos & Pneum:cos. In Physica eorum Tractationem institui non posse patet, (a) Ex diversitate objectorum, differunt enim Pneum: & Phys: objectis, tām quoad materiale quam formale. Illius est spiritus, in quantum naturae lumine cognoscibilis; hujus corpus naturale quā tale. Spiritus autem & corpus, ut notum, opponuntur, non verò subordinantur. (b) Ex diversitate principiorum & affectionum. Confer Pneumaticos & Physicos. (c) Ex diversitate abstractionis. Qui animam rationalem saltē ad Physicam revocant, illis satisfacit distinctio inter considerationem animæ absolutam, quæ in Pneumatico, & respectivam quæ in Physico instituitur. Qui ad Theologiam spiritum Theoriam spectare volunt, confundunt lumen Naturæ, cuius fœtus est Pneumatica, cum lumine Revelationis, cui originem debet Theologia. Pneumatica præterea est disciplina Philosophica; Theologia autem

tem superior facultas. Proinde firmis rationibus super-
structam esse sententiam eorum, qui *Pneumaticam* pecu-
liarem, & à cæteris omnibus distinctam faciunt discipli-
nam, ostenditur, 1. *Ex peculiari & distincto objecto* (*objectum*
n. est *mensura disciplinarum Theoreticarum*) quod est *spiritus*;
cui requisita objecti etiam competunt, sc. quod *spiritus*,
in nulla disciplinâ sit *Principium*, *Affectio* aut *Species* vel
mōdus contrahens. (2) *Ex diverso considerandi modo*; *Pneu-*
matica enīm in affectiones spiritus, in quantum Naturæ lu-
pset, mine ejus cognitio haberi potest, inquirit. 3. *Ex specie*
latiori substantie oppositâ; Si contemplatio corporum naturali-
tissimorum distinctam & peculiarem postulat disciplinam, cur
non multò magis *spirituum cognitione*, quippe quæ præstan-
tior & nobilior cognitione corporum naturalium. 4.
Ex ipsâ experientia; Inveniuntur enīm viri excellentissimi,
qui de *spiritu* peculiares disciplinas conscripsere. III. *um*
quod hic dicebam observandum, est *ipsum formale* hujus
objecti, quod quia ante tactum, hic paucis attingam: sc.
in quantum Naturæ lumine cognosci potest. Ergo huc non
spectant omnia, quæ quocunq; modo de *spiritu* sciri pos-
sunt, sed tantum ea, quæ naturæ lumine cognosci queunt.
Quæ verò de *spiritu* tām *Finito* quam *Infinito* ex solâ scri-
pturâ S. a revelata sunt, ad *Theologiam* pertinent.

POSITIO III. PHYSICA.

Homo duabus constat partibus essentialibus, A-
nima rationali & corpore organico.

Resolutio.

Duo hic notanda, 1. *Quod Homo dicatur Totum*, non
quidem *Perfectionale*, ut Deus, qui propter totalitatem
omnium perfectionum, *Totum* dr. Nec *Potentiale*, quale
anima,

anima, plures continens potentias. Nec *universale*, ut genus & species; quæ sunt conceptus essentialiter communes pluribus inferioribus. Nec *Numerale*, quod est collectio plurium unitatum, ut *Numerus* multititudinis. Nec *integrale*, quod solum est pars essentialis, constans partibus integrantibus & quantitativis, ut, *corpus huma-*
nūm. Sed *Essentiale*, compositum ex *materia* & *forma*, tanquam principiis constitutivis seu partibus essentialibus. II. Partes hæ essentiales sunt *Anima Rationalis* & *cor-*
pus humanum; non enim illa absq; hoc, nec hoc absq; illa *Hominem* facit; sed ut ex harum partium conjunctione constituitur *homo*, ita ex harum disjunctione tollitur & moritur. Defendunt nonnulli tres esse hominis par-
tes, *corpus*, *Animam ac Spiritum*. Alii duas in homine po-
nunt *animas*, easq; contrarias, unam à *Bono*, alteram à *ma-*
lo Deo inditam, ut *Manichæi* Teste *Augusti*: Alii tres *Ani-*
mam vegetantem, *sentientem*, & *Rationalem*. Sed hæ sen-
tentiae sibi non constant. (1.º) Quia de tertia illa parte
Spiritu scil: nec *Natura* nec *scriptura* loquuntur. Tradunt
quidem *Physici* & *Medici*, ut in aliis corporibus naturali-
bus, ita in homine dari quosdam *spiritus*, quos dividunt
in *instutum*, qui calidum innatum & vinculum animæ ac
corporis est; *Et Influentem*, qui vel *Naturalis* in hepate ge-
neratus; vel *vitalis* in corde; vel *Animalis* in cerebro.
Verum hi *spiritus* non tertiam in homine efficiunt par-
tem, sed sub *corpore* comprehenduntur, quia *corpora* sunt
quamvis subtilissima; *Spiritus* autem dicuntur æquivocè
& propter subtilitatem, quia tenuissima sunt & adagen-
dum paratissima. Quomodo intelligenda venit vox
Spiritus, cum in dictis scripturæ conjungitur *anima*, ex-
pllicant Theologi. Gen. 2: 3. ubi de creatione hominis
agitur, expressè fit mentio duarum tantum partium,

corporis de limo terræ formati, & Anima divinitus inspiratæ, unde factus homo vivus, cui dicto scripturæ tanquam verissimo, adhærere tutum. (2. da) *Manichaorum falsa opinio, in concilio Constantinopolitano damnata est.* (3. tia) *Sententia ponens tres in homine animas distinctas, reiicitur tanquam absurdæ; Nam sic homo aut nullius esset speciei, aut ad tres referri deberet. Eset Planta atq; brutum antequam fieret homo, duplici q; morte ante nativitatem moreretur, dicente sperlingio in Anthropologia Physicā Fol: 66. vel si tres realiter distinctæ animæ simul essent in homine, tūm post dissolutionem animæ rationalis, adhuc viveret ac sentiret quæbrutum, ultimo iterum vitam haberet quæ Planta, quod absurdum.* Dico itaq; quod *una illa anima rationalis* quæ specifica est, & ante & post Nativitatem, omne id præstet quod inferiores illæ, est enim ea *potentius*, tām *anima vegetativa & sensitiva*, quam proprius instructa.

POSITIO IV. MATHEMATICA.

Terram in medio mundi sitam, & instar centri totius hujus universi, ac immobilem esse, cum
Dn. Tychone Brahe assero.

Elaboratio.

Stellas in cœlo immobiles esse, ac locum suum constantè tenere, & terram circa centrum suum circumgyrari, Pythagoreorum olim dogma fuit, quod quia paucos tunc invenit adstipulatores, teste D. D. Bernb: Vareno in Geograph: sua generali. multis seculis oblivione quasi sepultum habitum; donec ante annos ducentos circiter Nicolau Copernicus magnum illi conciliaverit no-

men;

mēn; constituens solem centrum mundi & immobilem;
Terram verò tanquam Planetam collocans inter Venerem
& Martem, quam anno cursu circa solem circumferri
voluit. Cujus sententiæ astellas ac imitatores habuit
Astronomos excellentes, Keplerum, Galileum de Galilæo, a-
liosq; qui eam multis rationibus confirmarunt ac defen-
derunt. Sed quia Hypothesis hæc Scriptura S. x adversatur,
idcirco verisimilior mihi videtur sententia Tychonis, ver-
bo Dei & quotidianæ experientiæ magis quippe consen-
tanea: Apparent enim non solum reliquæ stellæ sed &
sol singulis diebus ab oriente in occidentem circa terram
moveri, & spatio 24 horarum ad eundem ferè cœli locum
redire, quod terram in medio sitam, immobilem
& pro centro habendam arguit. Sensuum enim iudicio
tamdiu standum, donec rationibus firmis id fuerit explosum, in-
quit Sperlingius in Synopsi sua Physica. In Scriptura
Sacra etiam pro miraculo habetur solem stetisse ac retro-
gressum fuisse, & terram moveri; dicitur n. hæc funda-
ta super bases suas, nec in æternum moveri. Blebelius in
Sphærâ suâ pag. 16. 4. argumentis hanc Tychonis
sententiam defendit.

SECTIONIS POSTERIORIS, POSITIONES PRACTICAS PROPOVENTIS.

POSITIO I. ETHICA.

Virtus hominibus naturâ non inest.

Enodatio.

Galenus in peculiari libro, ait virtutes nobis per solam
naturam & temperamentum corporis competere; ve-
rū ut plenius intelligatur positio hæc, notandum tri-
pliciter aliquid inesse à naturâ. 1. Quod convenit naturali
inclinationi. 2. Quod potentia est quoad semina quædam inest,

actus autem & perfectio industria & labore parantur. 3. Quod
completivè, actu & formaliter inest. Prioribus modis, vir-
tus, quæ anima ac splendor beatae vita salutatur, à Naturâ in-
esse dici potest. Ultimò autem modo non; Quia si
hoc modo inesset (α) nunquam prolaberemur in vitia.
(β) Necessariò tūm inesset omni homini; quæ enim
speciei sunt, ea convenient omnibus individuis; at vir-
tus omni homini non inest, teste experientiâ. Inest
ergo virtus fatente Gutkio in disputat. gen: pract: à Na-
turâ inchoativè, in quantum naturaliter in perfectionem
nostram propendemus. Et Cic. 3. Thusc. unicuique mor-
talium semina quedam virtutum sunt innata. Consumativè
verò & completivè ex alvefactione: Nam natura etsi ef-
ficax sit in effectis suis producendis, tamen perficere vir-
tutes est ultra vim & sortem naturæ, quia perfectio stu-
dio & exercitatione acquiritur. Requiritur itaq; i. Na-
tura tanquam causa remota & inchoans, si enim naturalis
propensio, aptitudo & inclinatio deesset, habitus acqui-
ri non posset. ii. Doctrina, non tanquam virtutem ples-
nè constituens (nam sic omnes doctrinâ imbuti, secundum
virtutem agerent, quod falsum) sed veluti dirigens & con-
tinuans, quatenus cum prudentiâ conjuncta. iii. Cre-
bra exercitatio & diligens assuetudo, tanquam causa propinqua,
primaria atq; perficiens, perfectum gignens habitum, sine
quâ nemo ad culmen veræ virtutis ascendere potest.

POSITIO II. POLITICA.

Status Regni Sveo-gothici est Monarchicus.

Evolutio.

Formas ac species Imperii quamvis nonnulli plures;
alii pauciores enumerent, consentiunt tamen in eo fermè
& ve-

& veteres & recentiores Politici, si de rectis & simplicibus sit
sermo, non esse plures quam tres, quod ex numero Im-
perantium probari potest; aut enim summam potestatem
obtinet unus in omnes sibi subjectos, & dicitur *Monarchia*;
aut plures, unde *Polyarchia*, ubi vicissim vel pauciores, iijq; opit-
mates, & dicitur *Aristocracia*; vel *omnes*, aut *major populi*
pars, & dicitur *Democratia*. Duo in hâc positione nota-
da veniunt. 1. Quod *Status Regni Sveogothici* sit monachic-
cus, talis enim tempèr & ab initio, ad hâc usq; tempora
viguit, confirmante nos solum Historiâ patriâ, sed &
rerum magistrâ experientiâ. Rex enim nobis unus est,
Majestatem solus gerens & sine pari regnans, Deum atq;
Legem tantum superiores agnoscens. 2. Sed sicut in cor-
ruptâ hâc naturâ, nullum elementum apparet purum, nul-
lumq; temperamentum simplex, ita simplex ille ac idealis sta-
tus societati humanæ prodesse vix potest, nisi accedat tem-
peratura quædam. *Democratia* cenletur quidem jucundissi-
ma propter æqualitatem ac libertatem populi; ast ta-
men mutationibus & incommodis magnis ob populi in-
scitiam & ingenii diversitatem est obnoxia. *Aristocracia*
prudentissima habetur ob virtutem & optimam ac saluber-
rimam optimatum consilia, sed & ibi dissensiones, turbæ
& odia metuenda, propter invidiam, & favoris ac fortus,
næ emulationem. *Monarchia* perfectissima est & tutissi-
ma, quia convenit maximè cum *Deo & Natura*. Verum
cum & ibi difficilimum sit invenire hominem perfectissimam
virtute præditum, illaq; in *Tyrannidem* facile degenerare
potest; hinc fit, ut vix ullus status merè simplex ratione
existentie & administrationi reperiatur; quamvis ratione
forma, essentia & constitutionis simplex dici queat. Sic in
Regno nostro Sveo-gothico hoc tempore serenissimi Regis Mi-
norennsis nomine, *Regina vidua clementissima*, & supremi
sono

officiales, Regni senatores atq; proceres illustrissimi regnum administrant.

POSITIO III. OECONOMICA.

Agricultura est modus acquirendi victum, aliaq; necessaria in Familia optimus:

Declaratio.

Modi acquirendi victum & amictum, ab oeconomicis variis enumerantur, quorum alii sunt ordinarii, alii extraordinarii; Ordinarii iterum vel simplices, qui vel *Naturales*, vel *artificiales*, vel *mixti*, qui quidem omnes boni ac legitimi, quatenus cum *prudentia* & *virtute* conjuncti; optimus tamen inter hos censetur *agricultura* propter has rationes (α). Propter indigentiam: nam sine eâ vita mortali-
um diu felix consistere vix potest, cum omnia quæ in ter-
râ gignuntur, ad usum hominum creata sint, quæ propte-
rea nisi colatur, frumentum hominibus communiter non suppeditat. Ex cultura verò ejus fructus variis, multa fru-
mentorum genera, & rerum omnium copia ad victum
hominum proveniunt. Uade Cic. lib: i. de officiis omnium
rerum ex quibus aliquid acquiritur, nihil est agriculturâ melius,
nihil uberiorius, nihil dulcior, nihil homine libero dignius. (β)
Quia est antiquissimus, qui genus humanum ab ipso exor-
dio mundi aluerat; Primus enim agricola fuit adam. (γ)
Quia est maximè naturalis, imò ut ait Franc: Burgersdici-
us idea doct: oeconomicæ c. 8. §. 9. Hic modus Naturali-
stissimus est; Natura enim, urgente necessitate, docuit hunc
modum ad victum acquirendum, ut enim *mater naturaliter*
suppeditat nutrimentum liberis suis, ita & *parens* omnium
terra, omnia nutrit (δ) Quia iustissimus quoq; est, quoni-
am vita rustica est simplex, innocens, vitiis non æquè
obno-

obnoxia, non occupata honorum ambitionibus, non fraudibus, dolis & insidiis gaudens, sed quieta, tranquilla; quare fixerunt ingeniosissimi Poëtae justitiam quondam ab omnium ordinum gentibus expulsam, apud agricolas longissimum tempus habitasse. (e) Quia præter sustentationem, plurimū etiam ad corporis exercitationem facit, non enim reddit corpora, agriculturarum inepta, ut artes viliores aliae, sed idonea & apta, ad labores sustinendos, & ad fortitudinem bellicam præparat, ut possint animosè & intrepidè aggredi hostem, aliaq; imminentia mala subire; sunt namq; agricultorū omnibus coeli injuriis ferendis assueti, deliciarum ignati, parvo contenti, & ad omnem laborum tollerantiam indurati; unde Cato, Citante Wendelino: lib. 2. polit. cap. 39. pag: 438. *Ex agricultis & viri fortissimi & milites strenuissimi gignuntur:* Atq; hæc pro ratione instituti proposuisse sufficient. Devotā hâc δοξολογίᾳ disputationem concludo: Gloria patri, Filio & Spiritui Sancto, in secula nunquam terminanda!

Solida Eruditionis & Virtutis laude Politissimo JUVENI,
DN. GEORGIO SCHIFFER Wesmanno, honorum
in studio Philosoph. summorum Candidato Meritiss.
& pro ijsdem publicè Disputanti; Amico suo
honorando:

Virtutis, laudisq; simul, claræq; sophiae
Eusebiæ & Charitum perstudiosus eras
SCHIFFERE, Agricultorū vigilans, nautasq; securus
Semina cum fructu colligis: atq; ratem
Dirigis in portum latus, jactate periclis
Vicisti adversæ sortis, amice, malum.

Hinc

Hinc tibi multiplicis gratabor nomine honoris
Cujus inoffenso nunc pede templa petis.
Vade bonis avibus, quorsum te fata, Deusq;
Vel patriæ proceres, vel tua vota vocant.
Hospes es optatus quoconq; accesseris: artis
Virtutisq; simul te comitantur opes.
Dives & incolumis vives: post fata manebunt
Nomen, honosq;: polus dat tibi plura. VALE!

Felices in studijs progressus L. Mq. licet occupatissimus
gratulab:

M A R T I N U S M I L T O P Æ U S
Eloq. Prof. & F. Ph. Dec.

Salve Præstantissime Dn. CANDIDATE, amicorum optime.
Honesta nostra familiaritas, quæ longo intervallo amplexibus suis, nos arctius adligavit, tantum effecit, ut tibi in hoc tuo laudabili progressu, verbo gratularer. Studia literarum apparent quidem in pueritia difficilia, præcipue illis, quos iniqua fortunæ fors voluit paupertatis onere conflictari, in adolescentia tamen minus laboriosa sunt, ast in matura ætate, jucundos illis, qui hoc superare valent, edere solent fructus: Jam opus illud grave paupertatis haçtenus incumbens, vicit Præstantiss. Dn. CANDID: subsequentesq; molestias superavit, fructum itaq; laboris dehinc abundantem reportabit. Nemini enim suæ sortis asperitas displicere in tantum potest, quin spem concipiat magna, fore ut Musarum, quas colit, gratia favoreq; ad magna & laudanda consurgat. Omnia quibus honor & gloria paratur curis & laboribus subjecta sunt. Quamobrem tibi amice amande gratulor tanti honoris fastigium; Propitium Numinis favorem in vota vocabo, velit te ulterius benedictionis suæ affectione amplecti, quo honores impetrati, in laudem & nominis sūi gloriam, Reip. emolumentum, proprium decus, Parentis & consanguineorum solatium, gaudiumq; maximum, vergant. Vale

Tuus T.

L A M B E R T U S P. Montanus.